

Released 31-8-1940

ডা

ভা

ব



নিউ থিয়েটার্সের চিত্র-নিবেদন



নিউ থিয়েটার্সের নূতন চিত্র

ডাক্তার

শৈলজানন্দ মুখোপাধ্যায়

রচিত কাহিনী অবলম্বনে

—চিত্রিত—



নিউ থিয়েটার্স লিমিটেড : কলিকাতা

কবিগুরু রবীন্দ্রনাথের গান :- “কি পাইনি তারি হিসাব মিলাতে”...

সংগঠকরা

পরিচালক ও চিত্রনাট্যকার	...	ফণী মজুমদার
গান	...	রবীন্দ্রনাথ
		অজয় কুমার ভট্টাচার্য্য
চিত্র-শিল্পী	...	ইউসুফ মুলজী
শব্দ-যন্ত্রী	...	লোকেন বসু
সুর-শিল্পী	...	পঙ্কজ মল্লিক
সম্পাদক	...	হরিদাস মহলানবীশ
রসায়নাগারাদাক্ষ	...	সুবোধ গাঙ্গুলী
ইউনিট ব্যবস্থাপক	...	জলু বড়াল
তত্ত্বাবধায়ক	...	পি, এন, রায়

সহকারীগণ

পরিচালনায়	...	কান্তিক চ্যাটার্জি, চন্দ্রশেখর বসু
চিত্র-শিল্পে	...	অমূল্য মুখার্জি, কেপ্ট হালদার, প্রভাকর হালদার
শব্দায়ুর্লেখনে	...	অরবিন্দ চ্যাটার্জি, রণজিৎ দত্ত, সুশীল সরকার
সঙ্গীত-পরিচালনায়	...	তারক দে, বীরেন বল
মঞ্চ-শিল্পে	...	পুলিন ঘোষ
দৃশ্য-সজ্জায়	...	অনাথ মৈত্র
ব্যবস্থাপনায়	...	সুধীর ভট্টাচার্য্য

বেলডয়ে দৃশ্যাদি ই-বি-আর এবং রসায়নাগার-দৃশ্যাদি বেঙ্গল
কেমিক্যাল্‌স্‌ অ্যান্ড ফার্মাসিউটিক্যাল্‌ ওয়ার্কস্‌ লিমিটেডের সৌজন্যে গৃহীত



ভূমিকা-লিপি

সীতানাথ	...	অহীন্দ্র চৌধুরী
অমরনাথ	...	পঙ্কজ মল্লিক
সোমনাথ	...	জ্যোতিপ্রকাশ
দয়াল	...	অমর মল্লিক
অক্ষয়	...	শৈলেন চৌধুরী
শিরোমণি	...	ইন্দু মুখোপাধ্যায়
তপন	...	বুদ্ধদেব
মায়া	...	পান্না
শিবানী	...	ভারতী

টোনা রায়, বোকেন চট্টো, অরবিন্দ সেন, নরেশ বসু,
অর্জু মুখোপাধ্যায়, কেনারাম মুখার্জি, কাহ্ন বন্দ্যো,
সুকুমার পাল, বীরেন দাস, দ্বিজেন গাঙ্গুলী, এম. এন,
ভট্টাচার্য্য, হরিশোহন বসু, প্রব চক্রবর্তী, কমলা,
ও হরি সন্দরী

কাহিনী



[রায়ধাম। অতি প্রাচীনগ্রাম। স্বর্গীয় রাজা ধীরেশ নাথ রায়চৌধুরী এই গ্রাম প্রতিষ্ঠা করিয়াছিলেন। বৃদ্ধ সীতানাথ রায়চৌধুরী এই সুপ্রাচীন রায় বংশের স্নেহোগ্য উত্তরাধিকারী। সংরক্ষণশীল সধর্মনিষ্ঠ তেজস্বী ব্রাহ্মণ।

তাহারই পুত্র অমরনাথ। চরিত্রবলে, মনের দৃঢ়তার পিতার মতই উন্নত। কিন্তু যুগধর্মের প্রভাবে উভয়ের আদর্শ ও চিন্তাধারা ছিল পরস্পর বিরোধী।

স্বামী বিবেকানন্দের আদর্শে অল্পপ্রাপিত অমরনাথ দেশ হইতে মহামারী তাড়াইবার সঙ্কল্প লইয়া মেডিকেল কলেজে পড়িতে গিয়াছিল।

ধর্মের ও জ্ঞানের গোড়ামি এবং আভিজাত্যের বড়াই দিয়া মানুষ পরস্পরের মধ্যে যে

গভী সৃষ্টি করিয়াছে অমরনাথ সে গভীকে স্বীকার করিত না। জাতিধর্ম নির্বিশেষে সেবা — দাতব্যচিকিৎসালয়-সংগঠন প্রভৃতি জনসেবার কার্য লইয়া সে সর্বদা নাতিয়া থাকিত।

কাজেই আভিজাত্যভিনামী ব্রাহ্মণ জমিদার দেখিতেন স্নেহভাবাপন্ন পুত্র বংশের মর্ধ্যাদা কল্প করিতেছে। তথাপি শৈশবে মাতৃহীন পুত্রের প্রতি মমতা বশতঃ তিনি কঠোর হইতে পারিতেন না এবং ইহার জন্ম তাহার রাগ পড়িত গিয়া খাস চাকর দয়ালের উপর। দয়ালের অপরাধ — সে স্নেহাক্ষ। সে মাতৃহারা অমরনাথকে কোলে পিঠে করিয়া মানুষ করিয়াছে।

অমরনাথও জানিত তাহার কার্যে সংরক্ষণশীল পিতা অত্যন্ত আঘাত পান। পিতার প্রতি তাহার ছিল অগাধ ভক্তি, শ্রদ্ধা ও ভালবাসা। তাই নিজের আদর্শ অমরনারী চলিলেও চপল সারল্যের মাধুর্ঘ্য দিয়া পিতার বিস্কুল অন্তঃকরণে সর্বদাই সে প্রলেপ দিবার চেষ্টা করিত।

তাই এতদিন বিভিন্ন.....এই ছ'টি পুরুষের জীবনে কোন সংঘর্ষ ঘনাইয়া উঠিবার স্নেহোগ্য পায় নাই।]

লাইট রেলওয়ের যে লাইনটি বাড়ীর আনাচ-কানাচ দিয়া আঁকিয়া বাঁকিয়া গ্রামের সকলের সঙ্গে আত্মীয়তা পাতাইয়া চলিয়া গিয়াছে—সেই দেড়হাত প্রস্থের লাইনটিই স্বদূর পল্লী রায়ধামকে সহরের সঙ্গে সংযুক্ত রাখিয়াছিল।

পচিশ বৎসর পূর্বে এক শুভদিনে, কশ্মপাগল যুবক অমরনাথ, মেডিকেল কলেজে ফাইনাল পরীক্ষা দিয়া এই ট্রেনে বাড়ী ফিরিতেছিল। শক্তিমান, প্রাণের প্রাচুর্যে ভরপুর যুবক, গাড়ীর হাতল ধরিয়া হাসি ও গানে গ্রামের আবালবৃদ্ধ সকলকে আনন্দে মাতাইয়া গ্রামে ফিরিতেছে। গত বৎসর অর্ধেক গ্রাম কলেবার উজাড় হইয়া গিয়াছে। এবার এই মহামারীকে সে গ্রামে প্রবেশ করিতে দিবে না। তাই উহাকে প্রতিরোধ করিবার জন্ম প্রয়োজনীয় ঔষধপত্র সে সঙ্গে লইয়া আসিয়াছে।

রায়ধাম স্টেশনে অমরনাথের সহকর্মীরা তাহার অপেক্ষায় ভিড় করিয়া রহিয়াছে। বৃদ্ধ দয়াল তাহার জন্ম পাকী লইয়া আসিয়াছে।

অমরনাথ পৌছিয়াই শুনিল গ্রামে কলেরা দেখা দিয়াছে এবং সেই ভয়ে সমস্ত গ্রামবাসী ওলাই-চণ্ডীতলায় পূজার ব্যবস্থা করিয়াছে।

বাড়ী না ফিরিয়াই অমরনাথ ছুটি ওলাইচণ্ডীতলা। শিরোমণি প্রভৃতি গ্রামের সকলেই সেখানে উপস্থিত। ওলা-দেবীকে পূজা দিয়া সন্তুষ্ট করিবার মানসে গ্রামময় কলেরা ছড়াইয়া দিবার সব রকম ব্যবস্থাই সেখানে আছে। আরও দেখিল—বেণী চক্রবর্তীর যুবতী কল্যা মায় একটু নিশ্চাল্য, একটু চরণামৃতের জন্ম ব্রাহ্মণদের পায়ে মাথা খুঁড়িতেছে। তাহার পিতার কলেরা হইয়াছে। সমাজ-পতিতা এই কল্যার স্পন্দা দেখিয়া শিরোমণির দল আশ্ফালন করিতেছেন।





মায়ার অপরাধ সে খণ্ড-বিবাহিতা। সামান্য বরপণ কন্মের জন্ত বিবাহের আসর হইতে বর উঠিয়া গিয়াছিল।

অমরনাথ ইহাদের হাত হইতে মায়াকে উদ্ধার করিল। ইহাদের নিষেধ অগ্রাহ করিয়া বেগীকে দাতব্য চিকিৎসালয়ে পাঠাইয়া দিয়া বাড়ী ফিরিয়াই শুনিল, গ্রামের লোক তাহার আদেশ অমান্য করিয়া পানীয় জলের জন্ত সংরক্ষিত দীঘির জল নষ্ট করিতেছে।

কোনরকমে স্বানাহার সারিয়া অমরনাথ ছুটিল তাহা বন্ধ করিতে। তারপর সারাদিন গ্রাম হইতে গ্রামান্তরে ঘুরিয়া বেড়াইল মহামারী বন্ধ করিবার কাজে। শ্রান্ত ক্লান্ত দেখে দিনান্তে বাড়ী ফিরিয়া একটু বিশ্রাম করিতে না করিতেই আবার ধবর আসিল—বেগী ঠাকুরের শেষ অবস্থা।

অসহায় কন্মার ভবিষ্যৎ চিন্তায় মৃত্যুপথ-বাত্রী, কাতর হতভাগ্য পিতার শেষ নিঃশ্বাস সহজে ফেলিবার স্বযোগ দিল অমরনাথ। স্বৈচ্ছায় সে গ্রহণ করিল মায়ার ভার।

এই ঘটনা সাতনাথের কানে উঠিতে বিলম্ব হইল না। কিন্তু সাতনাথ এ কথায় কর্ণপাতও করিলেন না। শুধু তাহার মনে হইল পুত্র বিবাহযোগ্য।

পুত্রের নিকট বিবাহের প্রস্তাব করিতে গিয়াই স্নেহশীল পিতা সর্কপ্রথম অন্তরে নিদারুণ আঘাত পাইলেন। পুত্র সবিনয়ে জানাইল—বেগী চক্রবর্তীর অস্তিম কালে তাহার শেষ ইচ্ছা পালন করিতে গিয়া সে মায়াকে পত্নরূপে গ্রহণ করিয়াছে।

ছই বিপরীত আদর্শে এতদিনে বাধিল সংঘাত। নিষ্ঠাবান সংরক্ষণশীল পিতা, সমাজ-চ্যুত ব্রাহ্মণের খণ্ড-বিবাহিতা কন্মাকে রায়বংশের বধূরূপে গ্রহণ করিতে কখনই পারেন না। বুক ভাঙ্গিয়া গেলেও এই বংশের মধ্যাদা তাহাকেই রাখিতে হইবে। তিনি নীরবে দাড়াইয়া দেখিলেন, তাহার একমাত্র বংশধর তাহারই হাতে হাত রাখিয়া শপথ করিল, রায়বংশের সন্তান বলিয়া নিজের পরিচয় সে দিবেন। রায়বংশের নাম-বংশ-পদবী-মধ্যাদা চিরজীবনের মত সে ত্যাগ করিয়া চলিয়া গেল।


অমরনাথ আদর্শবাদী—অমরনাথ কর্ম্মী। যেখানেই সে যাক—জনসেবার কাজে সে আত্মনিয়োগ করিবেই।

আর মায়ার নিকট অমরনাথ শুধু স্বামী নয়—অমরনাথ ত্যাগবীর, দেবতা, মহাপুরুষ। তাহার সেবার আত্মনিয়োগ করিতে গিয়া চিরক্লান্ত মায়া অতি সহজেই তাহার জনসেবার কাজে আপনাকেও ডুবাইয়া দিল।

রায়ধাম হইতে বহুদূরে একখানি গণ্ড গ্রামে স্বামী-স্ত্রী স্থাপন করিল তাহাদের কর্ম্মক্ষেত্র। গড়িয়া তুলিল ছোট্ট একটি হাসপাতাল—‘পল্লী-মন্ডল সেবা-সদন’।

দিনের পর দিন যায়………

একদিন তাহাদের ভাবী সন্তান এই পৃথিবীতে তাহার আগমন বার্তা জানাইল। সেই দিন হইতেই স্বামী-স্ত্রীর সমস্ত করণা চলে তাহাদের অনাগত সন্তানকে বিরিয়া। তাহাদের ভাবী সন্তান হইবে বিরাট কর্ম্মযোগী—তাহার নিকট তাহার গ্রহণ করিবে





উপদেশ—তাহারই পরিকল্পনা অল্পব্যয়ী, সারা বাংলাদেশ ঘুরিয়া ঘুরিয়া তাহারা দেশের রোগ তাড়াইয়া বেড়াইবে।

যথা সময়ে মায়া সন্তানের জন্মদিল—কিন্তু নিজের করিল আশ্বাদান। নিজের জীবনের বিনিময়ে জননী তাহার কল্লনার প্রাণপ্রতিষ্ঠা করিল।

অমরনাথ বাঁচিয়া রহিল মায়ার জীবন-স্বপ্ন সার্থক করিয়া তুলিবার জ্ঞান। হাসপাতালের নূতন নামকরণ করিল 'মায়া সেবা-সদন'। মায়ার সমাধিক্ষেত্র হইল অমরনাথের বিশ্রামস্থল—মায়াপুরী।

বহুদিন ধরিয়া সন্ধান করিতে করিতে দয়াল একদিন অমরনাথকে আবিষ্কার করিল এই হাসপাতালে। আবিষ্কার করিল বটে, কিন্তু কিছুতেই ফিরাইয়া লইয়া যাইতে পারিল না। মায়াকে লইয়া পিতা-পুত্রের মধ্যে যে ব্যবধান গড়িয়া উঠিয়াছিল মায়ার মৃত্যু সেই ব্যবধানকে চিরস্থায়ী করিয়া গেল।

দয়াল যখন দেখিল তাহার 'খোকা-বাবু' কিছুতেই গৃহে ফিরিবে না তখন সে নিরুপায় হইয়া তাহার মাতৃহীন পুত্রকে চাহিয়া বসিল। অমরনাথের পিতৃহত্যায় নিদারুণ আঘাত দিয়া নির্ধম ভাবে দয়াল শুনাইয়া দিল—“তুই মাকে খেয়েছিস, বোটাকে খেয়েছিস—ছেলেটাকে তুই বাঁচাতে পারবি না খোকা!”

স্নেহ-প্রবণ অন্তরের দুর্বলতা, সংস্কার-মুক্ত মনকেও কুসংস্কারাচ্ছন্ন করে। দয়ালের কথায় অমরনাথের মন'ও শঙ্কাকুল হইয়া উঠিল। সত্যই যদি সে বাঁচাইতে না পারে! যদি মায়ার স্বপ্ন সফল না হয়!

অবশেষে পিতা তাহার নয়নের মণি, মায়ার স্বপ্নকে, দয়ালের হাতেই তুলিয়া দিল। শুধু তাহাকে দিয়া শপথ করাইয়া লইল, সীতানাথের নিকট বালক সোমনাথের পিতৃশরীচয় গোপন রাখিতে হইবে—তাহাকে বিদেশে পাঠাইয়া উচ্চশিক্ষিত ডাক্তার করিয়া তুলিতে হইবে।

ইহার পর পঁচিশ বৎসর কাটিয়া গিয়াছে। অমরনাথ আজ বৃদ্ধ। পঁচিশ বৎসর পূর্বে, যে যুবক তাহার আদর্শে অনুপ্রাণিত হইয়া, অর্থ ও জমি দিয়া নানাভাবে তাহাকে সাহায্য করিয়া আসিয়াছেন, সেই অক্ষয়বাবুও কৰ্ম্ম-জীবন হইতে অবসর লইয়া কলিকাতাবাসী হইয়াছেন। বৃদ্ধ সীতানাথও অতি বৃদ্ধ। দয়াল হৃবির হইতে চলিয়াছে।

শিশু সোমনাথ এখন পূর্ণ-যুবক। বিদেশ হইতে সে চিকিৎসা বিজ্ঞান পারদর্শী হইয়া দেশে ফিরিয়া আসিয়াছে।

অমরনাথ অনেক আশা করিয়া কলিকাতা ছুটিয়া আসিয়াছে। তাহার মায়ার স্বপ্ন বৃষ্টি এতদিনে সফল হয়। বন্ধু অক্ষয় বাবুর বাড়ীতে থাকিয়া সে একান্ত মনে সেই স্তম্ভদিনের প্রতীক্ষা করিতেছে।





পুত্রের পরিচয় গোপন রাখিয়াই অমরনাথ অক্ষয় বাবু ও তাঁহার কন্যা শিবাণীকে
শুনায়—ডাঃ সোমনাথ রায় চৌধুরী এমন একটা কিছু করিবেই বাহাতে দেশের
যথার্থ মঙ্গল হয়।

তাই যেদিন অমরনাথ স্বচক্ষে খবরের কাগজে দেখিল সোমনাথ, 'ইণ্ডিয়া
কেমিক্যাল'-এ Bacteriologist-এর কাজ লইয়াছে, সেদিন সে যেন ক্ষিপ্ত হইয়া
উঠিল। সোমনাথের লেবরেটরীতে গিয়া তীব্র তিরস্কারে তাহাকে আক্রমণ করিল।
কিন্তু তাহার সেই তীব্রতার মাঝেও রহিয়া রহিয়া প্রকাশ পাইতেছিল—মায়ার
আদর্শে সোমনাথকে অনুপ্রাণিত করিবার চেষ্টা ও বহু বৎসরের পিতৃ-স্নেহ-কাতর
হৃদয়ের অবরুদ্ধ আবেগ।

তাই সোমনাথের মনে এই অদ্ভুত বুদ্ধটির দৃষ্টি ও তিরস্কার যেন একট
বিফোভের সৃষ্টি করিল। অমরনাথ চলিয়া যাইবার পর, চিন্তিত সোমনাথ হঠাৎ
একসময় বাহির হইয়া পড়িল এই বুদ্ধকে খুঁজিয়া বাহির করিতে।

বুদ্ধকে খুঁজিতে গিয়া, তরণ যুবক সোমনাথ আরও একজনকে খুঁজিয়া পাইল।
সে—তম্বী, চঞ্চলা, মুখরা—শিবাণী।

অমরনাথের নিকট সোমনাথ গ্রহণ করিল কষ্মদীক্ষা—কিন্তু শিবাণীর নিকট
করিল হৃদয়দান।

অমরনাথের আদর্শে অনুপ্রাণিত সোমনাথ চাকরী ছাড়িয়া দিয়া রায়ধামে পল্লী-
সেবার উদ্দেশ্যে ঔষধের কারখানা খুলিবার কাজে মতিয়া উঠিল। তাহার তৈয়ারী

ঔষধে দেশের রোগ দূর হইবে—তাহার কারখানাকে ঘিরিয়া গড়িয়া উঠিবে পল্লীসেবক-
সম্ব। তাহার কারখানা একাধারে হইবে—কারখানা, গবেষণা-মন্দির ও জন-
শিক্ষার কেন্দ্র।

সোমনাথ চলিল অমরনাথের কর্মক্ষেত্র দেখিতে। সঙ্গী হইলেন অক্ষয় বাবু,
শিবাণী ও তাহার ভাই—তপন।

এখানে সোমনাথ লক্ষ্য করিল কষ্মবোগী অমরনাথের অপরিমীম ত্যাগ—কি ভাবে
অসংখ্য বাধাবিপত্তি অগ্রাহ্য করিয়া তিনি সকলের কর্মপথ স্মরণ করিয়া দিয়াছেন।

আর লক্ষ্য করিল, তাঁহার অপরিমেয় ও আদর্শ পত্নীপ্রেম কি ভাবে এক
মহাভাগ্যবতী রমণীর স্মৃতিকে অন্তরে ধরিয়া জীবন্ত করিয়া রাখিয়াছে!

আনন্দাশ্রমের চোখে অমরনাথ লক্ষ্য করিল, তাহার মায়ার ছেলে মায়ার সমাধির
পাশে বসিয়া তাহারই স্বপ্ন সফল করিবার সঙ্কল্প করিতেছে। আরও লক্ষ্য করিল,
মায়ার সমাধিতেই তাহার একান্ত মেহের পাত্রী চপলা শিবাণী, লজ্জানত মুখে
সোমনাথকেও যেন ধীরে ধীরে একান্ত আপনান করিয়া লইতেছে!

কলিকাতা ফিরিয়া আসিয়া সোমনাথ দয়ালকে জানাইল, সে শীঘ্রই শিবাণীকে
বিবাহ করিবে। শিবাণীর নাম সে সোমনাথের মুখে পূর্বেও শুনিয়াছে; কিন্তু তাহার
কোন বংশপরিচয় কখনও পায় নাই। বরং তাহাকে রাগাইবার জন্ত সোমনাথ
শিবাণীকে স্নেহ, অহিন্দু বলিয়া উল্লেখ করিয়াছে।

সরল-হৃদয় দয়াল তাই স্থির থাকিতে পারিল না—সীতানাতের নিকট গিয়া নাশি
জানাইল। কিছুক্ষণ চূপ করিয়া থাকিয়া বুদ্ধ প্রশ্ন করিলেন, সোমনাথ শিবাণীর বংশ





গোত্র শ্রেণীর খোঁজ লইয়াছে কিনা। আধুনিক যুবক সোমনাথের নিকট সংরক্ষণশীল বুদ্ধের নিষ্ঠার কোন মূল্যই নাই। তাহার মতে, এই প্রাচীন মত গুলির বাণপ্রস্থ লইবার সময় হইয়াছে। তাই চলিয়া যাইতে যাইতে হাসিমুখে বলিয়া গেল—সে কাহারও বংশ-গোত্র-শ্রেণী বিবাহ করিবে না—বিবাহ করিবে একটি মেয়েকে।

সীতানাথ এই ধরণের মন্তব্য পূর্বেও সোমনাথের নিকট শুনিয়াছেন এবং ক্ষমাও করিয়াছেন। কিন্তু আজ যেন অসহ মনে হইল।

তাই একটু পরে সোমনাথ ফিরিয়া আসিয়া শুনিল, সীতানাথ দয়ালকে বলিতেছেন এই ধরণের উক্তি আঁতাকুড় হইতে কুড়াইয়া পাওয়া জীবের মুখেই সম্ভব। স্তব্ধ বিস্ময়ে সোমনাথ শুনিল—সে নামহীন, গোত্রহীন, পরিচয়হীন! দয়াপরবশ হইয়া বৃদ্ধ জমিদার নাকী তাহাকে সন্তান গ্লেহে পালন করিয়াছেন মাত্র।

সোমনাথ কিংপ হইয়া উঠিল। সে তো সীতানাথের নিকট দয়া ভিক্ষা করে নাই! সমাজ সে মানে না—জাতি ভেদ সে স্বীকার করে না—কিন্তু এককাল জমিদার সীতানাথ রায় চৌধুরীর পুত্র বলিয়া ঘাহাদের কাছে পরিচয় দিয়া আসিয়াছে—নাম গোত্রহীন হইয়া আজ তাহাদের মাঝে দাঁড়াইবে সে কোন মুখে? ক্ষোভে, ছঃখে, অপমানে পাগলের মত সে সীতানাথের বাড়ী ছাড়িয়া বাহির হইয়া গেল।

বিপদে পড়িল দয়াল। সত্য পরিচয় দিয়া এই সমস্তার সমাধান সে করিতে পারে—কিন্তু সোমনাথকে স্পর্শ করিয়া অমরনাথের নিকট যে শপথ সে করিয়াছে, তাহা সে কি করিয়া ভঙ্গ করিবে?

উদ্ধ্বাসে দয়াল বাহির হইয়া পড়িল মায়া-সেবাসদনের উদ্দেশ্যে। অমরনাথের নিকট কাঁদিয়া পড়িল, “তোমার দিবস ফিরিয়ে নে থোকা—ছেলেটার সর্বনাশ করিস না।”

মহা সমস্তা আজ অমরনাথের সম্মুখীন। পিতার পাদস্পর্শ করিয়া যে শপথ সে করিয়াছে—আত্মপ্রকাশ করিলে সে শপথ ভঙ্গ হয়—মায়ায় স্থতির হয় অপমান!


কিন্তু আত্মপ্রকাশ না করিলেও সোমনাথকে ফিরিয়া পাওয়া অসম্ভব। মায়ায় স্বপ্নকে সফল করিবার জন্তই সে এককাল বাঁচিয়া রহিয়াছে—আজ সাফল্যের কিনারে আনিয়া সে-স্বপ্নকে সে নষ্ট হইতে দিতে পারে না।


অমরনাথ কি আত্মপ্রকাশ করিবে?

শিবাগীর সঙ্গে সোমনাথের মিলন কি অসম্ভব? ক্ষোভে ছঃখে অপমানে সোমনাথ আত্মহত্যা করিয়া বসিবে না তো?

পুত্র-শোকাতুর বৃদ্ধ সীতানাথ এই আঘাত সহ করিতে পারিবেন কি? যে পুত্র জমিদার সীতানাথের আদর্শ চুরমার করিয়া চলিয়া গিয়াছে—মেহশীল পিতা গোপনে যে সেই-পুত্রের আগমন প্রতীক্ষা করিয়াছেন দিনের পর দিন—সে কি আর ফিরিয়া আসিবে না?

মায়ায় স্বপ্ন কি অসম্পূর্ণই রহিয়া যাইবে?





—সঙ্গীতাংশ—

—এক—

(গান) এই বয়সের এই আমি
এ-বয়সেই থাকবো,
হঠাৎ খুসির এই হাওয়া
চিরদিনই রাখবো।
জমবে ধুলো পথ-চলার
রইবে যে রং তার তলার
সারা জীবন সেই রঙে
এলি ছবিই আঁকবো।

(ছড়া) শ্রাকরাদের ছ্যাকরা গাড়ি
চলছে শুধু, যাচ্ছে না
বস্তা মুখে মস্ত হাতি
পিপড়ে তারে মারছে লাথি
মারছে গায়ে, লাগছে না।

(গান) আজ রাসের অধিবাস
কাল রাসের বিয়ে
ঘরে আসবে হাসি মুখে
সোনার সীতা নিয়ে।

(ছড়া) বৌদি আমার বৌদি গো।
(তোমার) শ্রামের কথা আছে জানা
কইনি আজো কইনি গো।
আস্তি কালের বস্তু বুড়ি
সুর্দি ঝরে নাক দিয়ে
তিড়িং তিড়িং ফড়িং যেন
নাচে পিড়িং পাক দিয়ে।

(গান) যে নাম লয়ে আজ এলাম
আমি শুধু সেই তো,
আর পরিচয় নেই তো;
শুভ্র আমি শুভ্র রে
ধন্য যে তাই ধন্য রে
পূর্ণ হবার জয় গানে
শুভ্রতা মোর ঢাকবো।
এই বয়সের এই আমি
এ বয়সেই থাকবো।

—অজয় ভট্টাচার্য্য।

—দুই—

ওরে চঞ্চল,
এই পথে এই যাওয়া
এই সুরে এই গাওয়া



শেষ নয় শেষ নয়
সে কথাটি বল (ওরে চঞ্চল)।

হেথা তুই চির চেনা
এই ঘাটে লেনা-দেনা
ফুরাবে না ফুরাবে না,
শুধু চলাচল (ওরে চঞ্চল)।

স্বপ্নের কবি রে,
ধরণীর পথে পথে এঁকে গেলি ছবি রে
স্বপ্নের ছবিরে—
(স্বপ্নের কবি রে)

যেথা তুই হবি হারা
সেথা সুর নহে সারা
তুণে তুণে তোরি প্রাণ
বীণে বীণে তোরই গান
'নাই' মাঝে চির থাকি
ছেড়ে দিয়ে চির রাখি
রে অতীত, অনাগতে হবি উজ্জল
(ওরে চঞ্চল)।
—অজয় ভট্টাচার্য্য।

—তিন—

যবে, কণ্টক পথে হবে রক্তিম পদতল
অন্তরে ফুটিবে যে সুন্দর শতদল,



দুঃখের লিপিলেখা বিচ্ছেদ কালিমায়
উজ্জল হবে জানি মিলনের চাঁদিমায়,
বন্ধন মাঝে মোর মুক্তির কোলাইল।
রাত্রি এ নয় কভু যাত্রীর কিবা ভয়
হৃদয়ের সুরে তার দিবসের বিভা রয়
রিক্ত এ তরুপ্রাণে ফাঙ্কণ ছিল ছিল।

* * * * *

নিশীথের দুঃখমুতি প্রভাতের গীতি হয়,
বেদনার অশ্রু যে বেদনার গাহে জয়,
ঝঞ্জার পাশে ওই
কল্যাণ আসে ওই
হলাহল পাত্র যে সুধারসে টলমল।
—অজয় ভট্টাচার্য্য।

—চার—

চৈত্রদিনের বরাপাতার পথে
দিনগুলি মোর কোথায় গেল
বেলাশেষের শেষ আলোকের রথে।
নিয়ে গেল কতই আলো কতই ছায়া
নিলো কানে কানে ডাকা নামের
মনে মনে রাখা মায়া,
নিয়ে গেলো বসন্ত সে
আমার ভাঙ্গা কুঞ্জশাখা হ'তে।

দূরে দূরে কোথায় আমার স্বপনখানি
করে বেড়ায় এই তো আমি
প্রাণে প্রাণে চিরদিনের জানাজানি
কোথায় আমার নয়ন আলো
কোন প্রদীপের আলোর সনে
কেমন করে সে মিলালো!

আবার সে কোন স্তূদূর বিপুল নভে
অস্তপারের দিনগুলি মোর
নূতন উবার মালা হয়ে রবে,
আমায় ওরা চিনবে না গো
চিনবোনা আর আমি কোন মতে।
—অজয় ভট্টাচার্য্য।

—পাঁচ—

সেদিন শুধালো বাঁশি
কে দিল আমায় সুর?
নীরব রছিল ফুল
চাঁদ চলে গেল দূর।
কবি তবে কহে গানে
কহে বাঁশরির কানে
মোর সুর লয়ে তুমি
সুরে সুরে ভরপুর।
—অজয় ভট্টাচার্য্য।

—ছয়—

আমি বন-বুলবুল
গাহি গান আমি রে,
ছলছল নদী জল
বহি দিন বাঁশি রে।
আমি ঘুম নিঃরুম
দিয়ে বাঁই চোখে চুম
আলো হয়ে জলে উঠি
ছায়া সম নামি রে
বাসরের ধরে আমি
প্রণয়ের গুণ গুণ

উদাসীর ভাঙ্গা মন
রাঙ্গা হয়ে করি গুণ
ধরিতে যে আসে মোরে
ধরা দেয় মোর ডেরে
নিম্নে যেতে মোরে হায়
সে তো রয় খামিরে।
—অজয় ভট্টাচার্য্য।

—সাত—

এনাম আমার তার বেণুতে
বাজলো অই
নয় সে কাছে নয় সে দূরে
জানিস্ যদি বলনা কই।
—অজয় ভট্টাচার্য্য।

—আট—

কী পাইনি তারি হিসাব মিলাতে
মন মোর নহে রাজি।
আজ হৃদয়ের ছায়াতে আলোতে
বাঁশরী উঠেছে বাজি'।
ভালবেসেছিছু এই ধরণীরে
সেই স্মৃতি মনে আসে ফিরে ফিরে,
কত বসন্তে দখিন সমীরে
ভরেছে আমারি সাজি ॥
নয়নের জল গভীর গহনে
আছে হৃদয়ের সুরে।
বেদনার রসে গোপনে গোপনে
সাধনা সফল করে।
মাঝে মাঝে বটে ছিঁড়েছিল তার
তাই নিয়ে কেবা করে হাহাকার,
সুর তবু লেগেছিল বারে বার
মনে পড়ে তাই আজি ॥
—রবীন্দ্রনাথ।



১৭২নং ধর্ম্মতলা ষ্ট্রীট, নিউ থিয়েটার্সের পক্ষ হইতে
শ্রীশুধীরেন্দ্র সাহালা কর্তৃক সম্পাদিত ও প্রকাশিত ও
জি, সি, রায় কর্তৃক ৮৬নং বহুবাজার ষ্ট্রীট, কলিকাতা
জুভেনাইল আর্ট প্রেস হইতে মুদ্রিত।